

4. April 2016

Aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. Xxx 2016-imeersoq.

(Soraarnerussutisiaqarnissamut aaqqissuussinernut nunani allaniittunut akiliutit akileraaruserneqar-tarnerat)

(Aningaasaqarnermut Aatsitassanullu Naalakkersuisoq)

Siumumiit immikkoortumut uunga imaattumik oqaaseqassuugut.

Siullermik oqaatigissuarput Siumumiit anguniartuaratsigu aningaasat nunatsinniit annersorneqartut pakkersimaartuarneqarnissaat. Taamaammat nuannaarutigalugu oqaatigerusupparput Aningaasa-qarnermut Aatsitassanullu Naalakkersuisup taamatut siunnersuuteqarnera iluarigatsigu.

Isumaqaarpungut suli annertunerujussuarmik sulissutigisariaqaripput Nunatsinni aningaasat pilersin-neqartut nunatsinni iluaqutaanerunissaat. Ullumikkummi ajoraluartumik nunatsinni ileqqaakkat avammut nuuinnartarnerisigut iiluaqutissartai annaasarpagut naak nunatsinni aningaasat pilersi-taagaluartut.

Taamatuttaaq Siumumiit isumaqaarpugut taamaaliornikkut aamma siunissami annertuumik nunat-sinni aatsitassarsiornerit ingerlanneqalissagaluarpata avataaniik suliarortorpassuarnik pisariaqar-titsisussap inatsisip uuma allanngortinneratigut nunatsinni aningaasap pilersinneqartup nunatsinnut iluaqutaalernissaa.

Inatsimmi pineqartumi allanngortinneqarusuttumi eqqoriarneqarpoq ukiumut 30-35 milliunit mis-sai nunatta isertitassaralui annaaneqartartut.

Danmarkimut naleqqiulluta aningaasatigut atugarissaarnerunngilagut. Taamaammat ukiumut 30-35 milliunit nunatsinnut aningaasarpasuartut taasariaqarpagut.

Taakku taalaareerlugit Siumumiit Naalakkersuisunut kaammattuutigissuarput nunatsinni pisuus-sutitta uumassuseqarpata ummassuseqanngippataluunniit nunatsinnut tamatigut aningaasarsior-

nikkut iluaqutaajuarnissaat anguniarlugu suliniutitik sakkortuseqqullugit, Siumumiimmi anguniar-tuaratsigu pisuussutit nunatsinniit anissuunneqartut aamma aningaasarsiornikkut nunatsinnut ilua-naarutaasumik ingerlanneqartarnissaat.

Siumumiit Naalackersuisunut ilanngullugu inassutigissavarput siuliini taasatta piviusunngor-tinnissat siunertaralugu Naalackersuisuvut danskit naalackersuisuinut isumaqatigiinniuteqaqqullugit suliffeqarfiup angerlarsimaffittut nalunaarsorsimaffia aallaavigalugu akileraarusersuisarneq (bo-pælsbeskatning) allaavigiunnaarlugu pisuussutilli nuna aallaaviat naapertorlugu akileraarusiisarneq (kildelandsbeskatning) atortuulersinneqaqqullugu.

Naggataatigut Siumumiit erseqqissaatigissavarput taamatut anguniagaqarnitta ilungersuullugu angu-niarnerani oqaaserpassuit annittarsimagatsigit, aamma qineqqusaarnerni. Taamaattumik oqaatsit takinngikkaluartut matumuuna erseqqissaassuteqarnerput kinguneqarluarumaartoq naatsorsuuti-gaarput.

Jess Svane

Siumut